

PELANCONGAN LESTARI MELALUI INTEGRASI MAQASID AL-SHARIAH: SEBUAH KAJIAN KONSEPTUAL

Nurul Nadirah Binti Abu Hasaniⁱ, Mohd Faridh Hafez Mohd Omarⁱⁱ & Nor Rabiatul Adawiyah Nor Azamⁱⁱⁱ

ⁱ (Penulis Korespondan). Pensyarah Kanan, Universiti Sains Islam Malaysia.
nurulnadirah@usim.edu.my

ⁱⁱ Pensyarah Kanan, Universiti Sains Islam Malaysia. faridhomar@usim.edu.my

ⁱⁱⁱ Penolong Professor, University of Tabuk Alwajh, King Saudi Arabia. n.azam@ut.esu.sa

Abstrak

Negeri Sembilan merupakan pusat pelancongan berpotensi tinggi yang kaya dengan kepelbagaian produk pelancongan. Sumbangannya dalam pendapatan Negeri Sembilan tidak dapat disangkal lagi. Namun, di sebalik perkembangan industri pelancongan di Negeri Sembilan, usaha perlu juga diberikan kepada pemuliharaan dan perancangan pembangunan pelancongan yang lestari. Penekanan pembangunan lestari dari konteks perancangan adalah wajar diberi penekanan yang khusus. Justeru, kertas kajian ini bertujuan untuk mencadangkan integrasi prinsip Maqasid Al-Shariah dalam pembuatan keputusan institusi pelancongan di Negeri Sembilan sebagai usaha membentuk perancangan pembangunan pelancongan lestari yang lebih menyeluruh. Kertas kerja ini juga akan memberi gambaran tentang relevannya konsep ini dalam pembuatan keputusan organisasi di dalam industri pelancongan. Diharap, berdasarkan kertas kerja ini, akan lebih banyak kajian tentang pembangunan pelancongan lestari dan aplikasi prinsip Maqasid Al-Shariah dalam pengurusan organisasi terutama di Negeri Sembilan.

Kata Kunci: Maqasid Al-Shariah, Pembangunan Lestari, Pembuatan keputusan

PENDAHULUAN

Pembuatan keputusan merupakan komponen terpenting dalam aktiviti pengurusan. Ia memainkan peranan paling penting dalam proses perancangan sesebuah organisasi. Menurut Asikhia et al (2021), kualiti pembuatan keputusan pengurusan merupakan faktor yang paling penting dalam menentukan kejayaan organisasi. Apabila pengurus merancang, mereka memutuskan banyak perkara seperti matlamat yang akan dicapai oleh organisasi mereka, sumber yang akan mereka gunakan dan siapa yang akan melaksanakan setiap tugas yang diperlukan. Malah, pembuatan keputusan juga tidak hanya tertakluk kepada pengurusan syarikat tetapi turut melibatkan projek jangka pendek dan jangka panjang. Dalam persekitaran yang sangat tidak menentu, pengetahuan tentang faktor-faktor yang mempengaruhi proses membuat keputusan adalah penting (Asikhia et al, 2021) dan seperti organisasi-organisasi di dunia ini, industri pelancongan juga tidak lari dari keperluan untuk membuat keputusan dalam pengurusan seharian. Namun, persoalan yang timbul adalah sejauh manakah pengetahuan tentang faktor-faktor yang mempengaruhi proses pembuatan keputusan dalam industri pelancongan di

pertimbangkan dalam pembangunan pelancongan, terutama sekali dari sudut pandangan Islam dan kelestarian pelancongan.

Menurut Pahrudin, Liu dan Li (2022), proses pembuatan keputusan bagi industri pelancongan adalah lebih kompleks kerana ia terikat dengan pelbagai kriteria dalam pembuatan keputusan terutama sekali apabila melibat pembangunan destinasi pelancongan. Di dalam bidang pelancongan, Pahrudin, Liu dan Li (2022) menyatakan pembuatan keputusan yang melibatkan pembangunan pelancongan perlulah menepati keperluan yang memenuhi kriteria kelestarian pelancongan. Walaupun demikian, berbanding industri lain, perhatian berkaitan proses pembuatan keputusan dalam pembangunan pelancongan masih kurang diberi perhatian. Rata-rata kajian sedia ada lebih melihat kepada proses pembuatan pelancongan yang melibatkan pelancong berbanding pengurusan dan pembangunan pelancongan (Liasidou, 2013). Lantas membuka ruang untuk dikaji terutama sekali dari sudut pandangan pelancongan lestari.

Sebenarnya, pelancongan lestari adalah salah satu komponen dalam pembangunan pelancongan yang mengambil berat dalam aspek pengekaln warisan budaya dan pemuliharaan alam semula jadi untuk kegunaan di masa hadapan (Hamid @Hussin, 2021). Bahkan menurut Amerta et al (2018), kebanyakan destinasi di dunia telah mula meminimumkan kesan sosial-budaya dan alam sekitar dalam perancangan pembangunan pelancongan. Hal ini termasuk juga Malaysia dan Negeri Sembilan. Terdapat beberapa kajian lepas sebagai contoh kajian Hamid @ Hussin (2021) yang mengkaji pelancongan lestari di Negeri Sembilan. Berdasarkan kajian yang dijalankan meskipun Jelevu menunjukkan indikator yang baik bagi pembangunan pelancongan di Negeri Sembilan namun, kajian lanjutan masih diperlukan untuk meneroka aspek penerokaan alam sekitar di daerah tersebut. Ini sekali gus memberi gambaran keperluan untuk menambahbaik kaedah penilaian dan pembuatan keputusan dalam pembangunan lestari di Malaysia terutamanya negeri Sembilan.

Bukan itu saja, malah dalam industri pelancongan, usaha untuk mencapai pelancongan lestari adalah sebuah tugas yang kritikal. Rahmadian et al (2021) menyatakan bahawa dalam usaha mencapai konsep pembangunan pelancongan lestari, idea inovatif untuk pembangunan pelancongan yang lestari diperlukan terutama sekali dalam proses pembuatan keputusan untuk memastikan hasil yang di terima mampu bertahan untuk tempoh yang lama. Di samping itu, Libburd dan Edward (2018) turut mencadangkan bahawa pelancongan lestari merupakan kewajipan bukan sahaja kepada dirinya sebagai industri, tetapi juga kepada pelanggan, pemegang kepentingan dan kakitangannya, kepada tadbir urus, kepada orang ramai, kepada negara lain dari semasa ke semasa justeru setiap keputusan dalam pembangunan pelancongan perlulah menitik beratkan aspek-aspek tersebut bagi memastikan ia mampu bertahan untuk tempoh yang panjang. Oleh hal yang

demikian, penilaian dan kajian berkaitan pembuatan keputusan dari aspek pelancongan dan pelancongan lestari amat diperlukan bagi memastikan proses pembuatan keputusan dalam industri ini lebih sistematik dan bersesuaian dengan matlamat dan keperluan industri untuk menjaga manusia, persekitaran dan alam sekitar.

Tambahan pula, alam sekitar merupakan antara masalah utama dalam industri pelancongan yang mampu memberi impak langsung kepada pendapatan pengusaha pelancongan. Justeru proses pemeliharaan dan pemuliharaan alam sekitar terutama sekali melibatkan lokasi pelancongan perlulah direncanakan secara sistematik bagi menjamin kelangsungannya (Ahmad et al, 2013). Ahmad et al (2013) di dalam kajiannya mengesa agar pengurusan terancang haruslah dijalankan bagi memastikan pembangunan pelancongan dapat dilaksanakan secara lestari. Lebih-lebih lagi apabila pelancongan bukan sahaja sekadar melibatkan perjalanan pelancong dari satu destinasi ke destinasi yang lain tetapi turut memberi impak kepada habitat dan spesies kehidupan secara langsung dan tidak langsung (Er Ah Choy et al, 2012). Justeru, usaha untuk memastikan pembangunan pelancongan pada masa kini tidak lagi mengadaptasi pembangunan pelancongan beramai-ramai amatlah perlu di beri perhatian dari segala sudut terutama sekali tadbir urus (Amerta et al, 2018). Namun, jika melihat dari perspektif kelestarian pelancongan dalam pembuatan keputusan pembangunan pelancongan, kajian di Malaysia masih kurang. Malah, jika melihat dari sudut pandang Islam, masih sangat sedikit pandangan dalam pengurusan dan perkembangan pembangunan pelancongan lestari di kaji di Malaysia.

Jika diamati dalam beberapa tahun kebelakangan ini, Malaysia telah menjadi salah satu destinasi pelancongan terpenting di dunia. Sebelum ini menurut Mosbah dan Salleh (2014), sektor pelancongan merupakan penyumbang penting kepada ekonomi dan dikenal pasti sebagai salah satu sumber utama pendapatan pertukaran asing dan pemangkin kepada pertumbuhan ekonomi di Malaysia. Berdasarkan laporan Kementerian Pelancongan (2013), hampir dua juta pekerjaan telah diwujudkan oleh sektor pelancongan dan industri berkaitan pelancongan pada 2011. Manakala, pada tahun 2018 sebelum berlakunya pandemik, ekonomi Malaysia telah dijana sebanyak RM 84.1 bilion hasil dari perbelanjaan pelancongan. Bahkan, dengan tindakan kerajaan Malaysia baru-baru ini beralih daripada fasa pandemik kepada fasa endemik, industri pelancongan negara terus menunjukkan potensi memberangsangkan apabila menerima lebih dari 2 juta pelancong asing sejak pembukaan sempadan pada April 1, 2022 (David, 2022). Lantas, untuk memastikan potensi pelancongan terus berkembang, sudut pandang pelancongan lestari adalah satu keperluan yang mendesak untuk dikaji lebih-lebih lagi dari sudut pandangan Islam.

Seperkara lagi, Malaysia merupakan salah satu destinasi pelancongan Islam yang utama didunia (Shafaei & Mohamed, 2015). Justeru, sudut pandang Islam dalam pembangunan pelancongan lestari amatlah wajar sebagai usaha menjadikan Malaysia sebuah destinasi pelancongan Islam yang unggul. Lebih-lebih lagi, Malaysia menurut Shafaei dan Mohamed (2015), membangunkan pelancongan Islam sebagai *niche* untuk menarik lebih ramai pelancong Muslim ke negara ini melalui kepelbagaian tawaran Islam untuk pelancong yang mementingkan nilai Islam bukan sahaja dalam kehidupan seharian mereka, tetapi juga semasa melancong. Hal ini lantas memberi gambaran keperluan untuk membangunkan industri pelancongan selaras dengan konsep-konsep islam dari segala sudut termasuk takbir urus.

Sehubungan itu, kertas kajian ini bertujuan untuk mencadangkan integrasi prinsip Maqasid Al-Shariah dalam pembuatan keputusan institusi pelancongan di Negeri Sembilan sebagai usaha membentuk perancangan pembangunan pelancongan lestari yang lebih menyeluruh. Kertas kerja ini juga akan memberi gambaran tentang relevannya konsep ini dalam pembuatan keputusan organisasi seperti institusi pelancongan.

KONSEP MAQASID AL-SHARIAH

Perkataan “Maqasid” (jamak: Maqasid) mencerminkan maksud tujuan, prinsip objektif, niat dan matlamat (Kamali, 2008; Ibn Ashur, 2006; Lane, 1968). Maqasid hukum Islam menurut Auda (2008) adalah objektif atau tujuan di sebalik ketetapan Islam. Maqasid terdiri daripada hikmah dan ilmu di sebalik ketetapan, objektif tindakan tertentu. Bagi istilah “Syariah”, sebahagian ulama mentakrifkan perkataan itu sebagai mengikut tegas perintah Allah atau cara Islam (din) (Dusuki & Abdullah, 2007).

Sementara itu, Ahmad Al- Raisuni (2002) merujuk Maqasid Al-Shariah sebagai objektif yang ingin direalisasikan oleh Syariah apabila memutuskan sesuatu ketetapan yang bertujuan untuk melindungi kepentingan manusia. Al-Qadrafi (seperti yang dipetik dalam Auda, (2008)) menyatakan bahawa, Maqasid Al-Shariah mempunyai peraturan asas yang hanya akan sah jika tujuan Maqasid adalah untuk memenuhi beberapa kebaikan (Maslahah) atau sebagai mengelakkan daripada beberapa kemungkaran (Mafsadah). Ibn Ashur (2006, dalam verzagic, 2011) bagaimanapun, memberikan definisi yang lebih luas tentang Maqasid Al-Shariah dengan menyatakan bahawa:

“Kedua-dua peraturan am dan dalil khusus menunjukkan bahawa prinsip serba guna (maqasid 'amm) perundangan Islam adalah untuk memelihara ketenteraman sosial masyarakat dan untuk memastikan kemajuan yang sihat dengan mempromosikan kesejahteraan dan kebenaran daripada apa yang berlaku di dalamnya, iaitu spesies manusia. Kesejahteraan dan kemuliaan manusia terdiri

daripada kemantapan akalnya, kebaikan amalannya serta kebaikan harta dunia tempat tinggalnya yang diperuntukkan kepada mereka”.

(Ibn Ashur, 2006, hlm. 87 dalam Verzagic dan Smolo, 2011).

Di samping itu, prinsip ini secara ekspresif dinyatakan oleh al-Qur'an dan ia berkaitan dengan tujuan Nabi Muhammad (S.A.W) sebagaimana firman Allah (S.W.T) (Kamali, 2008):

“Tidaklah Kami mengutusmu, melainkan untuk (menjadi) rahmat bagi seluruh makhluk”

(Al-Qur'an. Al-Anbiyya 21:107)

Dalam ayat lain, Allah (SWT) berfirman (Kamali, 2008):

“Wahai manusia! Sesungguhnya telah datang petunjuk dari Tuhanmu dan penyembuh bagi (penyakit) dalam hatimu dan bagi orang-orang yang beriman, petunjuk dan rahmat.”

(Al-Qur'an. Yunus 10:57)

Selaras dengan prinsip-prinsip ini, Maqasid Al-Shariah dipercayai membawa manfaat kepada individu dan masyarakat. Ia juga memudahkan peningkatan dan kesempurnaan hidup manusia secara serentak. Malah, menurut Kamali (2008), salah satu prinsip Maqasid Al-Shariah yang paling penting ialah masalah atau kemaslahatan umum iaitu untuk menjamin kemaslahatan manusia dari segi jasmani, akhlak dan rohani di dunia dan akhirat.

Oleh itu, dari perspektif pengkaji dapat disimpulkan bahawa, objektif Maqasid Al-Shariah adalah untuk menjamin kemaslahatan manusia dan alam sekitar dan melindungi mereka daripada kemudaratan, selaras dengan perintah Allah S.W.T dalam al-Quran dan al-Sunnah.

MAQASID AL-SHARIAH DAN PROSES PEMBUATAN KEPUTUSAN

Dari segi integrasi Maqasid Al-Shariah dalam membuat keputusan, Islam telah menetapkan beberapa hak asasi universal untuk manusia secara keseluruhan, yang harus dipatuhi dalam semua keadaan (Latiff, 2008; Abu Hasan et al, 2016). Dimensi akhlak dalam Islam adalah banyak, luas dan menyeluruh. Akhlak Islam berkaitan dengan hubungan antara manusia dengan Tuhan, manusia dengan sesama manusia, manusia, dan unsur-unsur dan makhluk lain di alam semesta, manusia, dan diri yang paling dalam. Bimbingan Islam, yang termaktub dalam prinsip keadilan, membawa keseimbangan antara hak individu dengan tugas dan tanggungjawab mereka terhadap orang lain dan antara kepentingan diri dan altruisme (Dusuki & Abdullah, 2009; Uluoyol & Abdullah, 2017). Oleh itu, keprihatinan terhadap

keperluan orang lain, bersama dengan keperluan sendiri, menjadi sebahagian daripada prinsip Maqasid Al-Shariah. Hal ini dipercayai menyediakan rangka kerja yang sesuai di dalam proses pembuatan keputusan dan menjadi sebuah mekanisme yang sesuai untuk di aplikasikan di dalam pengurusan organisasi (Dusuki & Abdullah, 2009; Abu Hasan et al,2019).

Malah, menurut Dusuki dan Abdullah (2009), proses membuat keputusan berdasarkan prinsip masalah (maqasid) mampu menyelesaikan sesuatu masalah berkaitan tanggungjawab sosial korporat. Dusuki dan Abdullah (2009) juga turut menjelaskan bahawa, tiga peringkat masalah memainkan peranan penting dalam menyelesaikan masalah berkaitan tanggungjawab sosial korporat. Konsep Maqasid Al-Shariah juga menurut pandangan Abu Hasan et al (2018) mengetengahkan pemahaman prinsip Islam iaitu mencegah kemudaratan, di mana organisasi tidak boleh mempunyai sebarang kemudaratan atau menyebabkan kesedihan kepada orang lain semasa menjalankan aktiviti pengurusan dan perniagaan mereka.

PEMBANGUNAN PELANCONGAN LESTARI DARI SUDUT PANDANGAN ISLAM

Pelancongan lestari menurut Pertubuhan Pelancongan Dunia (UNWTO) adalah salah satu aktiviti pelancongan yang menyumbang kepada keperluan sosial, budaya dan ekonomi komuniti tuan rumah, bersama-sama dengan percubaan untuk mempromosikan lawatan semula ke destinasi pelancongan tersebut (UNWTO, 2005). Menurut Rahmadian et al (2021), pelancongan lestari adalah keupayaan untuk menggalakkan lawatan semula pelancong ke tempat yang sama sambil menggalakkan pemeliharaan ciri sosial, budaya dan ekonomi destinasi selain turut bertujuan untuk melindungi alam sekitar. Konsep pelancongan lestari juga menurut Richard dan Derek (2000) sebenarnya telah dibincangkan selama beberapa dekad oleh orang yang prihatin terhadap isu alam sekitar seperti kemusnahan biodiversiti, peningkatan haba bumi, kemerosotan lapisan ozon dan kesan rumah hijau, selain isu sosial seperti diskriminasi dalam kalangan kumpulan besar penduduk setempat kesan dari pembangunan dan perkembangan industri pelancongan.

Manakala, daripada sudut pandang Islam, Hashim dan Abdullah (2020) menyatakan bahawa, elemen kelestarian dari perspektif Islam lebih menekankan kepada faktor insaniah iaitu manusia sebagai khalifah yang dipertanggungjawabkan menguruskan alam ini dengan baik sebagai faktor utama kelestarian. Idea pembangunan lestari daripada sudut kerangka Islam lebih memberi penekanan kepada nilai mulia dalam kalangan manusia untuk mengimbangi antara tuntutan duniawi dengan kefasihan melalui perkembangan dualisme yang rohani dan jasmani (Sulaiman, Hasan, & Mohamad, 2016). Malah menurut Baharuddin (2017) kelestarian dalam Islam sangat berkait rapat dengan matlamat dan cara hidup yang selaras dengan prinsip Shari'ah.

Selain itu, jika melihat konsep lestari daripada sudut pandang Islam dan pelancongan perspektif Islam menurut Hashim dan Abdullah (2020) adalah sesuai dengan perlindungan alam sekitar, isu-isu sosial yang mengelilingi moral, etika, sosial, kerumitan politik, dan ekonomi sebagai penentu kejayaan sesebuah pembangunan lestari. Konsep ini juga dibincangkan dalam al-Qu'ran dalam pelbagai surah antaranya An-Nahl.

“Sesungguhnya Allah menyuruh berlaku adil, dan berbuat kebaikan, serta memberi bantuan kepada kaum kerabat; dan melarang daripada melakukan perbuatan-perbuatan yang keji dan mungkar serta kezaliman. Ia mengajar kamu (dengan suruhan) dan laranganNya, supaya kamu mengambil peringatan”

(Al-Qu'ran. An-Nahl, 90)

Surah ini menekankan tanggungjawab manusia yang dilantik sebagai khalifah di bumi. Ia juga menyatakan bahawa manusia hendaklah menguruskan alam sekitar ini dengan adil dan cekap serta saling bantu membantu sesama manusia dan juga tidak dibenarkan untuk melakukan kerosakan. Justeru, menurut Al-Jayyousi (2012), konsep kelestarian dari perspektif Islam berdasarkan kepada ayat al-Quran dibahagikan kepada empat prinsip utama untuk menjaga kelestarian iaitu keadilan, kecemerlangan pentadbiran, nilai sosial dan tidak melakukan kerosakan.

Selain itu, menurut Sulaiman et al (2016), konsep lestari dalam Islam daripada sudut pengurusan menggesa manusia mempunyai sifat keadilan (adl), melaksanakan pengurusan yang cemerlang (Ihsan), mempunyai nilai sosial (Ahram) dan menghindari daripada melakukan kerosakan (fasad).

Konsep lestari dalam pengurusan ini di interpretasikan oleh Hashim dan Abdullah (2020) seperti berikut:

i. Adl'

Adl' merujuk kepada keperluan untuk melihat sesuatu perkara bukan sahaja dari aspek undang-undang namun, melihat dari sudut pandang pelaksanaan Amanah. Dari aspek alam sekitar, konsep ini menghendaki manusia bertanggungjawab untuk menjaga dan melindungi alam yang telah diamanahkan oleh Allah s.w.t.

ii. Ihsan

Ihsan merujuk kepada kecekapan dari segi pengurusan terbaik dan berkualiti bukan sahaja kepada manusia tetapi juga kepada alam sekitar. Penguatkuasaan yang cekap bagi mengawal berlakunya kejadian kemusnahan alam seperti pencerobohan dan pencemaran yang akan mengakibatkan kemusnahan jangka panjang.

iii. Ahram

Ahram merupakan konsep yang membentuk masyarakat lestari melalui akidah, syariat dan akhlak dan ia harus dihayati oleh setiap manusia.

iv. Fasad

Fasad merujuk kepada keperluan memastikan manusia tidak membawa kemusnahan bukan sahaja dalam kehidupan seharian malah persekitaran. Perancangan dan pembangunan perlulah dilaksanakan dengan menitikberatkan kesan kepada alam sekitar.

Kesimpulannya, konsep kelestarian daripada sudut pandang Islam menegah sesuatu entiti untuk melakukan amalan yang merosakkan masyarakat. Konsep kelestarian menurut perspektif Islam mempertanggungjawabkan manusia untuk menangani isu kelestarian yang berkaitan alam sekitar, sosial dan ekonomi yang menjejaskan kualiti kehidupan manusia selaras dengan matlamat Islam yang diturunkan kepada manusia untuk membawa rahmat kepada seluruh alam (*rahmatan lil 'alamin*). Berbeza daripada konsep moden, konsep kelestarian dalam Islam memfokuskan prinsip yang perlu dimiliki oleh manusia sebagai khalifah untuk menjaga alam ini.

PEMBANGUNAN PELANCONGAN LESTARI DAN MAQASID AL SHARIAH

Maqasid Al-Shariah menurut Abu Hasan (2018) adalah model komprehensif yang bertujuan bukan sahaja untuk membantu dalam mencegah dan mewujudkan keadilan dan keharmonian dalam masyarakat malah memainkan peranan yang lebih besar dalam mewujudkan keputusan beretika dalam organisasi. Malah, beberapa ulama membincangkan pelaksanaan Maqasid Al-Shariah dalam persekitaran umat Islam, contohnya kewangan Islam (Dusuki, 2009, Ahmed, 2012, Mohammad & Shahwan, 2013), dalam pentadbiran (Nor et al. 2012), dan pemerintahan (Hayattullah, 2012). aspek pengurusan (Othman, 2011; Abu Hasan et al, 2016) justeru, ini sekaligus memberi gambaran konsep Maqasid Al-Shariah mungkin mampu membawa impak yang baik dalam usaha membantu membangunkan industri pelancongan negara.

Tambahan pula, menurut Guilarte dan Gonzales (2018) untuk mencapai kelestarian dalam pelancongan, perhatian perlu diberikan kepada usaha-usah pembangunan pelancongan yang tidak menjejaskan alam sekitar atau masyarakat, termasuklah masyarakat tempatan daripada peringkat perancangan sehingga pembuatan keputusan. Pendapat ini juga pernah di ketengahkan di dalam kajian Pérez Guilarte (2014), yang mengesa perancangan pelancongan yang betul dari segi pengurusan dan pembuatan keputusan untuk mengatasi kemungkinan kesan dari pembangunan pelancongan yang tidak dapat dipulihkan dalam jangka masa

panjang. Oleh yang demikian, dapat disimpulkan, konsep pelancongan lestari dan pembuatan keputusan merupakan dua perkara yang saling berkaitan yang memainkan peranan penting untuk memastikan kebolehpasaran industri pelancongan di peringkat global. Justeru, jika dilihat dari kedua-dua konteks, kedua-duanya membawa matlamat yang sama.

Lebih-lebih lagi, menurut Ahmad Al- Raisuni (2002) Maqasid Al-Shariah adalah satu objektif yang ingin direalisasikan oleh Syariah yang memutuskan sesuatu ketetapan yang bertujuan untuk melindungi kepentingan manusia. Al-Qadrafi (seperti yang dipetik dalam Auda, (2008)) juga ada menyatakan bahawa, Maqasid Al-Shariah mempunyai peraturan asas yang hanya akan sah jika tujuan Maqasid adalah untuk memenuhi beberapa kebaikan (Maslahah) atau sebagai mengelakkan daripada beberapa kemungkaran (Mafsadah) kepada manusia dan persekitaran. Di samping itu, prinsip ini secara ekspresif dinyatakan oleh al-Qur'an dan ia berkaitan dengan tujuan pengutusan Nabi Muhammad (S.A.W) sebagaimana firman Allah (S.W.T) (Kamali, 2008):

“Tidaklah Kami mengutusmu, melainkan untuk (menjadi) rahmat bagi seluruh makhluk”

(Al-Qur'an. Al-Anbiyya 21:107)

Dalam ayat lain, Allah (SWT) berfirman (Kamali, 2008):

“Wahai manusia! Sesungguhnya telah datang petunjuk dari Tuhanmu dan penyembuh bagi (penyakit) dalam hatimu dan bagi orang-orang yang beriman, petunjuk dan rahmat.”

(Al-Qur'an. Yunus 10:57)

Selain itu, jika dilihat daripada sudut pandang pembangunan lestari, Baharuddin (2017) menyatakan dalam konteks Islam, kelestarian perlu ditetapkan oleh matlamat dan etika cara hidup yang lestari yang mengandungi prinsip Shari'ah dan mekanisme yang mana jalan hidup akan dilaksanakan. Idea kelestarian daripada perspektif Islam menurut Hashim dan Abdullah (2020) perlu merujuk kepada peraturan yang ditetapkan oleh Al-Qur'an dan amalannya, serta sunnah oleh Nabi Muhammad (SAW). Manakala Hasan (2007) pula menyatakan bahawa sebarang konsep perspektif Islam adalah sesuai dengan perlindungan alam sekitar, isu-isu sosial yang mengelilingi moral, etika, sosial, kerumitan politik, dan ekonomi adalah faktor kelestarian. Justeru, konsep ini jika dilihat dari sudut pandang pengurusan persekitaran seperti industri pelancongan konsep lestari ini meletakkan keperluan untuk memelihara daripada segala aspek dari semua perkara negatif termasuk alam sekitar, sosial dan juga ekonomi. Selaras dengan prinsip-prinsip ini, objektif Syariah dipercayai berasaskan matlamat untuk memberi manfaat individu dan masyarakat selain untuk peningkatan dan kesempurnaan hidup manusia, lantas

memberi gambaran kesesuaian konsep Maqasid Al-Shariah untuk memenuhi kriteria yang perlu diguna pakai dalam membentuk proses pembuatan keputusan dalam perancangan pembangunan pelancongan.

Tambahan pula, konsep Maksim perundangan Islam dalam Maqasid Al-Shariah sangat universal dan boleh diguna pakai dalam pelbagai sudut. Laldin (2014) mengkategorikan Maksim perundangan tersebut kepada klasifikasi yang berbeza berdasarkan skop berikut dari segi penggunaannya terhadap isu-isu Fiqh dan penerimaan Maksim tertentu dalam kalangan mazhab yang berbeza. Lima Maksim utama yang dipercayai sesuai digunakan dalam proses perancangan pelancongan adalah seperti berikut:

1. *Al umuru bi maqasidiha* (Perbuatan dinilai berdasarkan niat di belakangnya)

Maksim ini berkaitan dengan tuntutan dan amalan yang memerlukan seseorang manusia menunjukkan konsistensi dalam iman dan amalan, dalam perkataan dan perbuatan. Ia merangkumi hubungan antara niat dan perbuatan dan membezakan antara yang sah dan haram melalui niat dan perbuatan.

2. *Ad dararuyuzal* (Kemudaratan mesti dihapuskan)

Ia dianggap sebagai tiang undang-undang Islam yang direka untuk melindungi daripada bahaya.

3. *Al yaqinu la yazulu bish shakk* (Kepastian tidak dikalahkan oleh keraguan)

Bertindak sebagai pelengkap bagi maksim orang lain untuk memberi skop dan makna yang lebih jelas.


4. *Al Addatu muhakkamatun* (Adat adalah asas pertimbangan)

Membenarkan peraturan adat selagi tidak bercanggah dengan Syariah.

5. *Al mashaqqatutuljab at taysir* (Kemudahan melahirkan kesusahan)

Ini adalah peraturan kelonggaran dari segi kesukaran atau kesusahan tetapi tidak boleh diandaikan bahawa peraturan ini boleh digunakan dengan mudah, kerana terdapat syarat yang mesti dipenuhi.

Berdasarkan kelima-lima Maksim ini, konsep Maqasid Al-Shariah dilihat sangat rasional untuk diaplikasikan dalam proses pembuatan keputusan termasuk dalam pembangunan pelancongan lestari. Justeru, melihat kesesuaian konsep-konsep Maqasid Al-Shariah, sebuah gambaran proses pembuatan dibentuk.



Rajah 1: Gambaran Proses Pembuatan Keputusan Pembangunan Pelancongan Lestari dengan Maqasid Al-Shariah

Model ini dibina berdasarkan model proses membuat keputusan rasional Heracleous dan Rangka Kerja Al-Ghaazali tentang Maqasid Al- Shariah. Model tersebut mengintegrasikan prinsip Maqasid Al- Shariah dalam proses mengutamakan dan menilai penyelesaian yang ada dan memantau keputusan selepas pelaksanaan dibentangkan dalam bahagian sebelumnya. Di dalam model ini, elemen Darurriyyat, Hasniyyat dan Tahsiniyyat (DHT) akan digunakan sebagai alat dalam mendefinisikan masalah dan mengenal pasti kriteria keputusan. Keperluan pembagunan pelancongan akan diberi keutamaan menggunakan DHT dan keputusan akan dibuat berdasarkan kategori ini bagi memastikan konsep kelestarian dalam pelancongan dicapai selaras dengan konsep Maqasid Al-Shariah. Selain itu, alternatif kepada pembangunan pelancongan akan dinilai menggunakan lima objektif prinsip dalam Maqasid Al- Shariah (5P's) dan Maksim perundangan (ILM).

Dalam kategori ini, alternatif yang ada akan dinilai sama ada ia memenuhi matlamat untuk melindungi nyawa, agama, kekayaan, akal, keturunan dan sesuai dengan alternatif dalam mencegah kemudaratan. Alternatif terbaik akan dilaksanakan dengan pertimbangan Maksim perundangan Islam untuk mengatasi keraguan. Penyelesaian itu nanti akan dipantau melalui Maksima perundangan Islam (ILM). Keputusan yang baik akan membawa kepada peningkatan dalam kepuasan kerja dan produktiviti di tempat kerja selain turut memenuhi keperluan pembangunan pelancongan lestari untuk kegunaan jangka masa panjang. Manakala jika alternatif tidak dapat memenuhi hasil yang diinginkan, proses tersebut akan berulang. Model ini dijangka mengisi jurang dalam pendekatan membuat keputusan semasa dalam pembangunan pelancongan lestari.

KESIMPULAN

Sebagai kesimpulan, kertas kajian ini telah menyediakan perbincangan asas mengenai kesesuaian intergrasi konsep Maqasid Al-Shariah secara konseptual. Adalah diharapkan melalui kertas kajian ini, prinsip Maqasid Al-Shariah mula mendapat perhatian oleh industri di Malaysia melihat kepada semua sudut di dalam pembangunan pelancongan lestari. Di harap juga kerajaan Malaysia dan Negeri Sembilan mempertimbangkan ukuran yang sesuai untuk melaksanakan kajian di dunia sebenar.

Bahkan pada waktu yang sama, kajian lepas, telah menonjolkan konsep Islam sebagai sebuah konsep yang diterima pakai oleh semua golongan tanpa mengira bangsa dan agama termasuk di Malaysia. Sebagai contoh kajian yang dijalankan oleh Abu Hasan et al (2018) mengetengahkan konsep Islam seperti Maqasid Al-Shariah sebagai sebuah konsep yang relevan untuk diaplikasikan oleh Muslim dan bukan Muslim dalam pengurusan organisasi. Di samping itu, Maqasid Al-Shariah juga diyakini sebagai alternatif dalam membuat keputusan yang mampu meningkatkan prestasi dan produktiviti organisasi (Abu Hasan et al,2018). Malah, Sharif (2017) menyatakan bahawa Maqasid Al-Shariah mempunyai kesan positif dalam meningkatkan kesejahteraan, kebajikan dan kesejahteraan pihak berkepentingan dan cenderung ke arah memelihara alam semula jadi, dan manusia.

Justeru, konsep Islam seperti Maqasid Al-Shariah wajar diberi ruang untuk di aplikasi dalam pembuatan keputusan industri yang kompleks seperti pelancongan.

RUJUKAN

- Abu Hasan, N. N., Noor, K. M., Malik, A. A., & Ghani, Z. A. (2018). The Proposed Model of The Integration of The Principle of Maqasid Al- Shariah In Managerial Decision Making Process In Shariah-Compliant Securities. *Journal of Islamic, Social, Economics and Development*. 3 (11), 36 – 50
- Abu Hasan, N.N.B., Noor, K. B M., Malik, A.A. and Ghani, Z.A. (2016), *“The preliminary proposed model of the integraton of the principle of maqasid Al-Syari’ah in managerial decision making process”*, *Journal of Global Business and Social Entrepreneurship (GBSE)*, Vol. 1 No. 5, pp. 1-8.
- Al –Raysuni, A. (2013), *Does preventing harm truly prudence over acquiring benefit?* Translated from Arabic by Nancy Roberts Abridged by Alison Lake, The International Institute of Islamic Thought Herndon, Abridged Edition of Ahmad Al-Raysuni’s Original.
- Al-Jayyousi, O. R. (2012). *Islam and Sustainable Development: New Worldviews*. Surrey, England: GOWER.

- Al-Raisuni, A. (2002). *Nazariyyah al-Maqasid`inda al-Imam al-Syatibi*, Translated from Arabic by Nancy Roberts Abridged by Alison Lake, The International Institute of Islamic Thought Herndon, Abridged Edition of Ahmad Al-Raysuni's Original.
- Asikhia, O.U., Olubunmi, O.A., Oladipo, S.I., & Fatoke, O.V. (2021). Effective Management Decision Making and Organisational Excellence: A Theoretical Review. *The International Journal of Business & Management*, Vol.9, Issue.1.
- Auda, J. (2008). *Maqasid Al-Shariah: A beginner guide*, Ocasional Paper series 14, The International Institute of Islamic Thought, London, Washington.
- Baharuddin, A. (2017). Science For Sustainable Development. In *Institute of Islamic Understanding (Ed.), Science For Sustainable Development (1st ed., pp. 11–37)*. Kuala Lumpur
- Behboodi, O., Arabshahi, M., & Pashaei, M. (2022). The effect of tourists' memories on Tourist purchasing behavior: An approach to spiritual tourism (Case Study: Tourists in Mashhad). *International Journal of Tourism, Culture and Spirituality*, 5(2), 29-48
- Dusuki, A. W. (2007). *The Application of Shari`ah Framework to Stakeholder Management*, Paper presented at the International Conference on Management from Islamic Perspectives, Retrieved from <http://scribd.com>.
- Dusuki, A. W., & Bouheraoua, S. (2011). *The Framework of Maqasid Al-Shariah (Objectives of the Shari'ah) and Its Implications for Islamic Finance*, ISRA Research Paper, (6o:22/2011).
- Dusuki, A.W. (2009). *Challenger of realizing Maqasid Al-Syariah (objective Shariah) in Islamic Capital Market: Special focus on Equity base Sukuk*, Keynote Address at the 3rd USM-ISDEV, International Islamic Management Conference on Islamic Capital Market, Retrieved from <http://www.Scribd.com>.
- Dusuki, A.W., & Abdullah, N. I. (2009). *Maqasid Al-Syariah, Maslahah and Coporate Social Responsibility*, *The America Journal of Islamic Social Sciences* 24:1.
- Er Ah Choy et al.,(2012).Ekopelancongan dan Analisis Sosioekonomi Komuniti Ulu Dong.*Jurnal of Society and Space*,Volume.8(9), Mukasurat 46-52.
- Gretzel, U., Ham, J., & Koo, C. (2018). Creating the city destination of the future: The case of smart Seoul. In Y. Wang, A. Shakeela, A. Kwek, & C. Khoo-Lattimore (Eds.), *Managing Asian destination* (pp. 199–214). Springer. [[Crossref](#)], [[Google Scholar](#)]
- Guilarte, P., & Gonzales, L. (2018). Sustainability and visitor management in tourist historic cities: The case of Santiago de Compostela, Spain. *Journal of Heritage Tourism*, 13(6), 489–505.
- Hamid@ Hussin, S.S. (2021). *Kajian Pembangunan Pelancongan Lestari di Jelebu, Negeri Sembilan*. *Journal Sains Sosial. Malaysian Journal of Social Science*, Jilid.6 (1).
- Hasan, Z. (2007). Sustainable development from an Islamic Perspective: meaning implications and policy concerns. *Munich Personal RePEc Archive*, 19(2784), 17.

- Hashim, S., & Abdullah, A. (2020). Konsep Kelestarian dari perspektif Islam Berbanding pendekatan Moden dalam Melestarikan Negara. *IPN Journal of Research and Practice in Public Sector Accounting and Management*. Vol. 10, No. 1.2020, pp. 79-95.
- Hassan, S., Abdullah, K. & Ali, A. (2016). Organizational excellence as the driver for organizational performance:A study on Dubai police. *International journal of business and management*, 11(2).
- Liasidou, Sotiroula (2013). *Decision-Making for Tourism Destinations: Airline Strategy Influences*. *Tourism Geographies*, 15(3), 511–528.
- Ibn. Ashur ,M. A.T. (2013). *Tretise on Maqasid Al-Shariah*, International Institute of Islamic Thought, USA.
- Ibn. Ashur, M. A. T. (1998). *Maqid al-Shar'ah al-Islamiyyah, ed., alMisawi, Muhammad al-Tahir, , Kuala Lumpur, al-Basa'ir*.
- Ibn. Ashur, M. A. T. (2006). *Treatise on Maqasid al-Shari'ah (M. E.-T. El-Mesawi, Trans.)*. Washington: The International Institute of Islamic Thought.
- Ibn. Ashur, M.A.T. (1998). *Maqasid Al-Syari'ah Al Islamiyyah ed., Kuala lumpur, The International Institute of Islamic Thought*.
- Jusoff, K., Akmar, S., & Samah, A. (2011). Environmental Sustainability: What Islam Propagates. *World Applied Sciences Journal*, 12(November), 46–53.
- Kamali, M. H. (2006). *QAWA'ID AL –FIQH; The Legal Maxims of Islamic Law*, The Association of Muslim Lawyer. United Kingdom.
- Kamali, M. H. (2008). *Al-Maqasid al-Shari'ah: The Objectives of Islamic Law*, The Muslim Lawyer, 3(1), 1-7.
- Kamali, M.H., (2015). *Maqasid Al-Syari'ah: The objective of Islamic Law*. The Association of Muslim Lawyer. United Kingdom.
- Laldin, M. A. (2013). *Islamic legal Maxims and their Application*, Kuala Lumpur, International Shari'ah Research Academy for Islamic Finanace Research Academy.
- Laldin, M.A. .(2014), *Islamic Legal maxims and their application in Islamic Finance*, Kuala Lumpur, International Shari'ah Research Academy for Islamic Finanace Research Academy.
- Laldin, M.A.(2006). *Islamic Law: An Introduction*, Kuala Lumpur, International Islamic University Press.
- Pahrudin, P.; Liu, L.-W.; Li, S.-Y. What Is the Role of Tourism Management and Marketing toward Sustainable Tourism? A Bibliometric Analysis Approach. *Sustainability* 2022, 14, 4226
- Rahmadian, E., Feitosa, D., Zwitter, A. (2021). A systematic literature review on the use of big data for sustainable tourism. *Current Issues in Tourism*. Vol.25, 2022-Issue 11.
- Sulaiman, S., Hasan, A., & Mohamad, A. A. S. @. (2016). Pembangunan Dan Pelaburan Lestari Harta Wakaf Dari Perspektif Islam. *Kanun*, (November), 68– 100.

- Uluyol, B., & Abdullah, A. (2017). The legal Maxims of Islam Law and their application in Islamic finance. *Journal of King Abdulaziz University, Islamic Economics*, vol.29, No.2.
- United Nations World Tourism Organization*.(2004).*Definisi Pelancongan Mapan*.
Sumber: World Wide Web: <http://www.unep.fr/scp/tourism/sustain/>.
- United Nation. (2016). The Millennium Development Goals Report 2015. The Millennium Development Goals Report 2015.
<https://doi.org/10.18356/6cd11401-en>
- Verzagic, M., & Smolo, E. (2011). *Maqasid Al-Shari'ah in Islamic Finance: An Overview*, Kuala Lumpur, The Other Press.